



KERAJAAN MALAYSIA

PEKELILING AM BILANGAN 5 TAHUN 2021

TAPISAN KESELAMATAN SEMULA KEPADA PEGAWAI AWAM MELALUI SISTEM e-VETTING

JABATAN PERDANA MENTERI

19 November 2021

Dikelilingkan kepada:

Semua Ketua Setiausaha Kementerian

Semua Ketua Jabatan Persekutuan

Semua YB Setiausaha Kerajaan Negeri

Semua Pihak Berkuasa Berkanun Persekutuan dan Negeri

Semua Pihak Berkuasa Tempatan



**JABATAN PERDANA MENTERI
PRIME MINISTER'S DEPARTMENT**

Blok B8, Kompleks Jabatan Perdana Menteri
Pusat Pentadbiran Kerajaan Persekutuan
62502 Putrajaya
MALAYSIA

Tel. : 03-8000 8000
Fax : 03-8888 3904
Web : <http://www.jpm.gov.my>
Emel : jpm@jpm.gov.my

Rujukan Kami: **KPKK (R) 900-1 Jld.7 (40)**

Tarikh: **19 November 2021**

Semua Ketua Setiausaha Kementerian

Semua Ketua Jabatan Persekutuan

Semua YB Setiausaha Kerajaan Negeri

Semua Pihak Berkuasa Berkanun Persekutuan dan Negeri

Semua Pihak Berkuasa Tempatan

PEKELILING AM BILANGAN 5 TAHUN 2021

**TAPISAN KESELAMATAN SEMULA KEPADA PEGAWAI AWAM
MELALUI SISTEM e-VETTING**

1. TUJUAN

Pekeliling ini bertujuan menarik perhatian semua Ketua Setiausaha Kementerian/ Ketua Jabatan Persekutuan/ Y.B. Setiausaha Kerajaan Negeri/ Pihak Berkuasa Berkanun Persekutuan dan Negeri serta Pihak Berkuasa Tempatan (PBT) untuk memaklumkan berkenaan keperluan melaksanakan Tapisan Keselamatan Semula Kepada Pegawai Awam Melalui Sistem e-Vetting.

2. LATAR BELAKANG

- 2.1. Pejabat Ketua Pegawai Keselamatan Kerajaan Malaysia (CGSO) adalah kuasa pusat mengenai dasar dan pengurusan tapisan keselamatan sebagaimana yang diperuntukkan dalam Arahan Keselamatan (Semakan dan Pindaan 2017). Semua urusan tapisan keselamatan hendaklah dirujuk kepada Ketua Pengarah Keselamatan Kerajaan. Tapisan keselamatan dijalankan melalui kerjasama strategik bersama Polis DiRaja Malaysia (PDRM), Jabatan Pendaftaran Negara (JPN) dan agensi-agensi lain yang berkaitan.
- 2.2. Tapisan keselamatan adalah satu proses yang dapat membantu menentang kegiatan-kegiatan subversif, espionaj, sabotaj dan keganasan sama ada dari dalam atau luar negara. Proses ini juga mampu mengenal pasti kelemahan keperibadian pegawai awam, komuniti keselamatan termasuklah mereka yang berurusan dengan mana-mana pihak yang mempunyai kepentingan kepada Kerajaan.

- 2.3. Terdapat dua (2) jenis tapisan iaitu:
- (a) Tapisan Keselamatan Halus; dan
 - (b) Tapisan Keselamatan Kasar
- 2.4. Kerajaan telah memutuskan pegawai yang dilantik ke perkhidmatan awam dikehendaki menjalani dan lulus tapisan keselamatan sama ada sebelum disahkan dalam perkhidmatan atau setelah disahkan dalam perkhidmatan. Namun begitu, atas faktor kelemahan peribadi serta risiko ancaman keselamatan maka Tapisan Keselamatan Semula perlu dilaksanakan selepas lima (5) tahun keputusan tapisan keselamatan terdahulu diterima iaitu selaras dengan perenggan 157, Arahan Keselamatan (Semakan dan Pindaan 2017).
- 2.5. Impak positif yang boleh diperolehi daripada pelaksanaan Tapisan Keselamatan Semula ini adalah sebagai salah satu kaedah mengenalpasti aktiviti subversif serta kelemahan peribadi pegawai awam dan sekiranya tidak diberi perhatian serta tindakan mitigasi ianya boleh menjejaskan keselamatan dan kerahsiaan maklumat Kerajaan.

3. TAFSIRAN

- 3.1 Bagi maksud dalam Pekeliling Am ini:

- 3.1.1 **“Ketua Jabatan”** termasuklah Ketua Setiausaha Kementerian, Setiausaha Kerajaan Negeri, Ketua Jabatan, Ketua sesuatu perkhidmatan, Ketua Badan Berkanun, Ketua Pejabat Kerajaan Tempatan, Ketua

Cawangan Kecil sesebuah Jabatan dan Ketua bagi agensi lain yang kepadanya Akta Rahsia Rasmi 1972 (Akta 88) terpakai.

- 3.1.2 **“pegawai awam”** bermaksud seseorang yang memegang sesuatu jawatan atau pekerjaan dalam atau bawah sesuatu perkhidmatan awam;
- 3.1.3 **“pengesah jabatan”** bermaksud pegawai awam yang dilantik oleh Ketua Jabatan yang berperanan untuk menyemak, membuat pengesahan ke atas permohonan dan seterusnya memajukan permohonan tapisan keselamatan tersebut kepada Pejabat Ketua Pegawai Keselamatan Kerajaan Malaysia (CGSO) melalui Sistem e-Vetting.
- 3.1.4 **“perkhidmatan awam”** bermaksud perkhidmatan awam yang diliputi oleh Akta Rahsia Rasmi 1972 (Akta 88) iaitu:
- (a) mana-mana perkhidmatan awam yang disebutkan dalam Perkara 132 Perlembagaan Persekutuan termasuk sesuatu Kementerian, sesuatu jabatan Kerajaan, atau sesuatu mahkamah;
 - (b) sesuatu majlis bandar raya, majlis perbandaran, majlis daerah atau pihak berkuasa tempatan;
 - (c) sesuatu pihak berkuasa berkanun yang menjalankan kuasa-kuasa yang terletak hak padanya menurut undang-undang Persekutuan atau Negeri;
 - (d) mana-mana jua orang, tribunal, badan, institusi atau pihak berkuasa yang diisytiharkan oleh Menteri dengan

- perintah yang disiarkan dalam Warta sebagai suatu perkhidmatan awam bagi maksud takrif ini; dan
- (e) jika sekiranya berlaku peperangan sesuatu jabatan Kerajaan bagi sesuatu negeri sahabat Malaysia;

3.1.5 **“tapisan keselamatan”** bermaksud satu proses yang dapat membantu menentang kegiatan-kegiatan subversif, espionaj, sabotaj dan keganasan sama ada dari dalam atau luar negara. Proses ini mampu mengenal pasti kelemahan keperibadian pegawai awam yang memungkinkan mereka terlibat dengan pendedahan maklumat rahsia rasmi.

3.1.6 **“Tapisan Keselamatan Halus”** ialah proses teliti yang digunakan bagi menapis pegawai awam yang dikehendaki melihat rahsia rasmi pada peringkat "Rahsia" atau "Rahsia Besar" atau perkara-perkara yang boleh memudaratkan keselamatan perlindungan.

3.1.7 **“Tapisan Keselamatan Kasar”** ialah proses asas yang digunakan bagi menapis pegawai awam yang dikehendaki melihat rahsia rasmi setakat peringkat "Sulit" atau perkara-perkara yang boleh menjejaskan keselamatan perlindungan.

3.1.8 **“Tapisan Keselamatan Semula”** ialah proses tapisan keselamatan yang dilaksanakan bagi menapis semula pegawai awam bagi menjamin kesetiaan, keutuhan dan integriti seseorang sepanjang perkhidmatannya.

PELAKSANAAN TAPISAN KESELAMATAN SEMULA

4. Ketua Jabatan hendaklah memastikan permohonan Tapisan Keselamatan Semula yang dihantar oleh pegawai kepada Pejabat Ketua Pegawai Keselamatan Kerajaan Malaysia (CGSO) telah disahkan oleh Pengesah Jabatan dalam Sistem e-Vetting dan memenuhi kriteria-kriteria seperti berikut:
 - a) Pegawai telah menjalani dan lulus Tapisan Keselamatan Halus atau Tapisan Keselamatan Kasar; dan
 - b) Pegawai mempunyai keputusan tapisan keselamatan telah melebihi tempoh lima (5) tahun atau mengikut keperluan keselamatan.
5. Pegawai yang telah memenuhi kriteria pada perkara 4 hendaklah mengemukakan permohonan Tapisan Keselamatan Semula dengan memilih jenis permohonan Tapisan Keselamatan Semula dalam Sistem e-Vetting dan pelaksanaannya hanya melibatkan proses Tapisan Keselamatan Kasar. Garis panduan permohonan Tapisan Keselamatan Semula boleh diperolehi dari Portal CGSO dan Manual Pengguna dalam Sistem e-Vetting.

6. TARIKH KUAT KUASA

Pekeliling Am ini berkuat kuasa mulai tarikh ia dikeluarkan.

7. PEMAKAIAN

Tertakluk kepada penerimaannya oleh pihak berkuasa masing-masing, peruntukan Pekeliling Am ini dipanjangkan kepada semua Ketua Setiausaha Kementerian/ Ketua Jabatan Persekutuan/ YB Setiausaha Kerajaan Negeri/ Pihak Berkuasa Berkanun Persekutuan dan Negeri serta Pihak Berkuasa Tempatan. Pekeliling ini juga hendaklah dibaca bersama dengan Arahan Keselamatan (Semakan dan Pindaan 2017).

8. MAKLUMAT PERTANYAAN

Sebarang kemusykilan berhubung proses pengurusan Tapisan Keselamatan Semula boleh menghubungi Pejabat Ketua Pegawai Keselamatan Kerajaan Malaysia (CGSO) seperti berikut:

Pejabat Ketua Pegawai Keselamatan Kerajaan Malaysia

Jabatan Perdana Menteri

Aras -1,1 dan 2, Setia Perdana 7

Pusat Pentadbiran Kerajaan Persekutuan

62502 Wilayah Persekutuan Putrajaya

Malaysia

Tel : 03 8872 6021 / 6012 / 6015 / 6020 | Faks: 03 8888 3270

“BERKHIDMAT UNTUK NEGARA”



(TAN SRI DATO' SERI MOHD ZUKI BIN ALI)

Ketua Setiausaha Negara